



Գործ թիվ ԵԴ/25605/02/18

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԵՐԵՎԱՆ ՔԱՂԱՔԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻ  
ՈՐՈՇՈՒՄԸ  
ԳՈՐԾԸ ՊԱՐԶԵՑՎԱԾ ՎԱՐՈՒՅԹԻ ԿԱՐԳՈՎ ՔՆՆԵԼՈՒ ՄԱՍԻՆ

10.06.2019թ.

ք. Երևան

Երևան քաղաքի ընդհանուր իրավասության դատարանի դատավոր Ռ.Վարդազարյանս, ուսումնասիրելով վարույթում գտնվող թիվ ԵԴ/25605/02/18 քաղաքացիական գործի նյութերը,

ՊԱՐԶԵՑԻ

Երևան քաղաքի ընդհանուր իրավասության դատարանի 12.02.2019թ. որոշմամբ «Հայաստանի ավտոապահովագրողների բյուրո» ՀԿ-ի հայցադիմումն ընդդեմ պատասխանողներ Ներսես Արմենի Արշակյանի և Տիգրան Արմենի Արշակյանի՝ գումար բռնագանձելու պահանջի մասին, ընդունվել է վարույթ, որի վերաբերյալ որոշումը և համապատասխան փաստաթղթերն ուղարկվել են սույն գործով կողմերին:

Դատարանն արձանագրում է, որ ներկայացվել է նվազագույն աշխատավարձի երկուհազարապատիկը չգերազանցող գումարի բռնագանձման պահանջ:

Պատասխանող Ներսես Արմենի Արշակյանին ուղարկված դատավարական փաստաթղթերը հետ է վերադարձվել դատարան <<չպահանջված>> փոստային մակագրությամբ, իսկ պատասխանող Տիգրան Արմենի Արշակյանը ստացել է հայցադիմումը վարույթ ընդունելու մասին դատարանի որոշումը, սակայն հայցադիմումի պատասխան չի ներկայացրել:

Դատարանը գտնում է, որ բացակայում է գործը պարզեցված վարույթի կարգով չքննելու հիմքերը, հետևաբար պետք է գործը քննել պարզեցված վարույթի կարգով և նշանակել դատական ակտի հրապարակման ժամանակ և վայր:

Ղեկավարվելով ՀՀ քաղաքացիական դատավարության օրենսգրքի 199-200-րդ, 296-298-րդ և 361-րդ հոդվածներով՝

ՈՐՈՇԵՑԻ

Թիվ ԵԴ/25605/02/18 քաղաքացիական գործն ըստ հայցի <<Հայաստանի ավտոապահովագրողների բյուրո>> հասարակական կազմակերպության ընդդեմ պատասխանողներ Ներսես Արմենի Արշակյանի և Տիգրան Արմենի Արշակյանի գումարի բռնագանձման պահանջի մասին, քննել պարզեցված վարույթի կարգով և դատական ակտը հրապարակել 2019թ. հուլիսի 24-ին:

Որոշումն ուժի մեջ է մտնում կայացման պահից և բողոքարկման ենթակա չէ:

ԴԱՏԱՎՈՐ՝



Ռ. ՎԱՐԴԱԶԱՐՅԱՆ